

A tuti kun Yaakuba wãrge

Yaakuba tite koŋ nyu hunnam

Yaakuba tite koŋ wê la mbala a weyga kun a fu zaŋe di weyri a fuma potu yiganu: A tite koŋ kun dari gu sebɔl Zezi fuma bunma wê a duniya koŋ duru nyuni tige tige ni la, la gu daku ba gaabi. A humni weyga go ke a menti n dondreu bunma ni a tite koŋ wãrgro hoŋ wãrge a tite koŋ a nyɔɔ patiba bunma sure a zuyfuma ni la. A wakatu naŋgu a gurekuma hulɔ n kundɔ la hɔfu gaabi Rom halmi ni, la guko yoro ba fey. Yaakuba tuti koŋ pata Zezi fuma beŋ a humni, kun le Ba gulle hɔgɔrey, a yomam la ba nyɔɔ panam . Zezi fuma beŋ zãa a humni heŋ a Dufre, la di pata la gu (sap 1 verse 2 gu yau 8, la sap 3 verse 13 gu yau 18). Gukɔni ba deysra ba huki gu hãŋsi a kaŋ kun dey gu yey a fubi duru yiganu: A feyley heŋ waluma kaŋey (sap 1 verse 2 gu yau 4). Boŋsu gu baŋi a kaŋsa (sap 1 verse 9 gu yau 11, sap 5 verse 1 gu yau 6), boŋsu gu baŋi a zaabi (sap 1 verse 2 gu yau 18, sap 4 verse 1 gu yau 9), a gulle potɔlam (sap 4 verse 13 gu yau 16) A tite koŋ bolɔ nuŋ: anɔ pa a nyɔɔ wɔlla . A fu ba dey di da a menti n dondre la a Dufre di ba hũnse gu di tomɔ ni (sap 2 verse 14 gu yau 26), a bagam, baŋi a kɔyɔ n gulle ni la n huki gu hãŋsi a zaabi yiganu. Baŋi a kɔyɔ ba dum mu ni la : N ye bunma boŋ a hãŋsam wali, hɔro kun n weyri (sap 3 verse 1 gu yau 12). A humni weyya go ke a tite koŋ wãrgro hoŋ wãrge bunma ba ye le a kaŋ samba ni (sap 2 verse 6), la a kaŋ tunti a humni ba boŋ ba da gu. A tite koŋ bolɔ ba ni ke ka ba huysi a fara samba beŋ ba fara gulle (sap 2 verse 1 gu yau 13). A tite koŋ bolɔ a kaŋ ba hãrɛyã, a kaŋ samba beŋ kana baŋi la gu koŋ gulle (sap 5 verse 1 gu yau 6). A weynti hin a tite koŋ kendigam dugru a nyɔɔ patiba beŋ ni le nuŋ: Dombɔ hãŋsam, a Dufre zãanam dombɔ ni, bunma sum ba hẽysi la a Dufre bɔru koŋ hɔgo gu bella a Dufre bɔru koŋ ni.

A posuu

1 ¹ Mko Zaki a Dufre la a Daŋsa Zezi Kuruŋi tomɔ wɔlo hoŋ la wãrgi a tite koŋ; m posuru a Dufre fuma bunma sãygi a tigni duru a duniya koŋ duru ni.

Hukuna gu hãŋsi a kaŋeya yoro

² Mu sabu, a kaŋeyiŋa kun duru te na, ye na na gulle mbala a bun-dɔnɔmi kesey samba. ³ Na nyaa ke hali a kaŋeyiŋa ba deyse i pa na dugu na nyɔɔ panam, guko pata na huki gu hãŋsi gu kũsi pote. ⁴ La na buna dumam kendigi i wɔnde, kun pati na baŋi a fuma bunma hibɔ fasi, na go zomɔnɔ kã, la kaŋ kã ba kufe na ni.

⁵ Hali a humni kufe di dum na yoro ni, maana di zãa a Dufre, anɔ pati a fuma duru la a foru-pũrũmi zerge kã go, la di pata di la. ⁶ La, kala di zãa la ka di humni weyem la di nyu di dara la. Saba anɔ humni weyem nyãŋa mbala a yisa hem kun a saru hũsuru geŋageŋa la gu pegem hi. ⁷ Maana ka a fu anɔ humni weyam ti di humni ni, ke di dara kaŋ a Daŋsa ga. ⁸ Saba, le kana fu humnuma hi sa la, di bẽy kun di yommu.

A fara sa la a kaŋ sa

⁹ Maana, anɔ pa Zezi a nyɔɔ anɔ le a fara sa baŋi a bun-dɔnɔmi, kun a Dufre zanti di nyu dɔba . ¹⁰ La a nyɔɔ pato kaŋ sa baŋi a bun-dɔnɔmi kun a Dufre yirigri di; saba di gondro mbala a wũfe fite kana. ¹¹ A fire homse gu saru homeyɔu korule a wũfe, ga fite sol, ga seni duru gondo. Nuŋ kana la a kaŋ sa mu, di summa di tomɔ yoro.

Mey gu ye a weyga

¹²A bun-dɔnɔmi wē a fu anɪ hufu gu hānɪ a meyām yoro ni, saba dɪ deyse a meyām nahɪ ni, dɪ dara a deysam tɔbey, kun yatɪ gu bo a feyley hun ba kendra kun a Dufre bole dɪ pata bunma boŋ dɪ. ¹³Maana fu kã halt a boŋey zaabu darge dɪ, dɪ baŋɪ a zaabu maana ka .ka dɪ bo: "A Dufre la dargrɪ mu, saba a boŋey da gu baŋɪ a zaabu ba dey gu nyɪ a Dufre la dɪ ba dargra a fu mu, dɪ baŋɪ a zaabu. ¹⁴La fu kama dɪ boŋey zaabu la dargrɪ dɪ ɪ ti a boŋey zaabu kuŋsɔ ni gu nyɪ dɪ. ¹⁵A boŋey zaabu zaŋe a foru, gu hulla a walt zaabu. La a walt zaabu bure, gu bela la a sum. ¹⁶Mu sabu bombɔ ka na zɔgɔm na gulle. ¹⁷A hɔle kun hārēy gu kũ, la a hārāv kun hifu duru sita a dɔba ni a Dufre ga. Dɪkɔ le a pændiguu duru bagurɔ. A Dufre ba kiratra, dɪ go leŋgɔm kun geyri. (A hɔle kun hārēy gu kũ, la a hārāv kun hifu duru sita a dɔba ni a Dufre ga. A fire, a pilanɔ, la a wōriyābu bagurɔ. A Dufre ba kiratra, dɪ go leŋgɔm tugatrɪhɪ. ¹⁸A Dufre dɪ gille humni boŋey ni dɪ pane v baŋɪ dɪ gunda, la dɪ weyga kun le a nyɔv kun patɪ v baŋɪ a bu porɔ hun, dɪ te taka duru ni.

Dɔmɔ la n soŋ a weyga

¹⁹Gukɔ gille mu sabu bombɔ hɔrɔ na heŋka: Maana fu kama homsu la a dɔmɔnam la ka dɪ homsu la a weyga la a bun-hurga. ²⁰Saba a fubi bun-hurga yoro dɪ ba bagra kun makɪ a Dufre yibre ni. ²¹Gukɔ gille dugu na kun zigamsuru na duru, la a hɔy tomɔ duru. La na soŋ la a bun-bɔrmi a Dufre weyga kun a Dufre te na buna ni ke gakɔ la dey ga hoptu na.

²²Bagɪ na a fuma bunma sontu a Dufre weyga, ba bagrɪ kun ga bole, la ka na baŋɪ a fuma bunma dɔmɔn ga da, na zɔgɔm na gulle la a taastɪ hun ba ye le a nyɔv. ²³Ke ase la halt a fu dɔmɔnka a Dufre weyga la dɪ ba bagra kun ga bole, dɪ nyaŋa mbala a fu anɪ zaŋɪ a digi dɪ ye dɪ yɪga, dɪ ni dɪ gille kana dɪ wē; ²⁴la kun dɪ ye le dɪ yɪga dɪ yable, kun dɪ yable dɪ le wole wole kana dɪ wē. ²⁵La, anɪ tɪrɪ keo a deyley hun makɪ fasɪ, kun le a Dufre weyga kun hifu la ɪ patɪ a hal-n-gille heŋ, la dɪ tɪrɪ dunna hi ni dɪ bagrɪ kun ɪ bole, nandɪ daŋsa dara a bun-dɔnɔmi kun dɪ bagrɪ duru ni.

²⁶Halt a fu bole a Dufre dɪ yommu, la dɪ ba dey dɪ nyɪ dɪ nyurē dɪ gille zɔgɔm, la dɪ Dufre yomɔm bundu la. ²⁷A Dufre yomɔm hun sɪrɪfu la ɪ go zomŋɔ kã dɪkɔ a Dufre v sa hoŋ yibre ni le, a gelev la a kubav yelɔm ba kaŋeŋa yoro, la v daa v gille la a duniya koŋ tomɔ zigamsu heŋ.

Ka na koysi dombɔ

2¹Mu sabu, nakɔ bunma pa a nyɔv v Daŋsa Zezi Kurɪstɪ a dubeyo hoŋ ni, ka na zaŋɪ fu na kɔ dɪ dondo. ²Mbala a nyaŋaŋaŋ: halt a fu anɪ hɔfu a wurɔ wɔn-kerfe, dɪ hefu a kvayɪ hārēy zue na menti-dondore yoro; la a fara sa anɪ hefu a zeyey mu zu ³halt na ye le anɪ hɔfu a kvayɪ hārēy nandɪ na bo dɪkɔ ni: «Be tugo a dubey tige koŋ ni!» La na bo a fara sa nandɪ mu ni: «Hɪkɪ deŋ, wala tugo sēnde,» ⁴gukɔ gille na (bagrɪka niŋka nakɔ gille) na ba zaŋe fu na kɔ dɪ dondo? Na hagatɔ dɔ a fuma bunma gɪtɪ dombɔ la a humni zaabu? ⁵Mu sabu bombɔ dɔmɔ na! A Dufre zɔe dɔ a fuma bunma a duniya fuma yeli a fara samba namba, dɪ baŋɪ ba a kaŋ samba a nyɔv panam yoro, la bunma dartɪ a hɔle a Dufre yu hun dɪ bole dɪ pata bunma boŋ dɪ beŋ ni. ⁶La nakɔ, na huysɔ a fara samba. La a kaŋ samba namba dɔ wargrɪ na? Bako mu dɔ yafu la na a giru gɪtɪfav? ⁷Bako dɔ tɔgɔm a seere senfugu kun ba pane na naŋsu? ⁸A pūrēŋa la, halt na hibolluka a deyley keseygu koŋ, kana a Wārgurɪ heŋ bole gu: «boŋsu dɪ dondo mbala n gulle» na baŋrɪ kun hārēy ⁹La na zantɪka a fuma ba kōrū dombɔ, a walt zaabu na baŋrɪ, la a Dufre deyley tura na la zergɪ, saba na ba bage kun ɪ bole. ¹⁰Ke ase la halt fu soŋe dɪ baŋrɪ a deyley heŋ duru, la dɪ tā deyley dum ten, a deyley nahɪ duru ni dɪ zɔŋge. ¹¹Anɪ bo: «N ba yommɔ» nandɪ la bo: «N ba

tıgra a pumde mu.» Bine halt n ba yome, la n tıgra a pumde, dırv n tã, kun a deyley bole. ¹²Weyrı na la na wöllv mbala a fuma, bunma ba zantı a deyley kun patı a hal n gulle koñ ba gırı ba gırv ¹³Händi, a Dıvre ba wömgra halt dı gıta, anı ba wömgra gırv . La anı wömgrv go kun dı fonv a gırv nı.

A weyga kun zuru la a nyov panam la a tomə

¹⁴Mv sabu, a se gv fıri, halt fu bole ke dı hõfv a nyov panam, halt dı ba hõñse gv dı tomə nı? A Dıvre nı nyov panam heñ kana dey ı hoptu dı wala? ¹⁵Na sabı a bõrv wala a kēv, wēka a bañtı yoro la dı go a dırgv, ¹⁶La dıdvm na yoro, kunde dı ba pane ba kun hãñsırtı ba la ba feyley, la dı bo ba nı : «A bəəni teñtı na, hebv na gv hãñstı la na dı na hiri!» A se koñka fıri ba nı? ¹⁷Nıj kana la a Dıvre nı nyov panam mv. Halt a Dıvre nı nyov panam ba keseme la a tomə, a Dıvre nı nyov panam sıbv la.

¹⁸La dıdvm bolə: «Nkõ hõfv a Dıvre nı nyov panam, la mkõ mv wöllv a tomə.» M bolə: «Hõñsv mv kana n hõfv la a Dıvre nı nyov panam hun ba keseme la a tomə, la mkõ hõñsvra n la mv Dıvre nı nyov panam mv tomə nı.» ¹⁹Nıyfa a Dıvre dıdvm ten la? N bağı a hãrēy. La a zınuv mv, nyıfa a Dıvre dıdvm ten la, ı kebv a fonı. ²⁰Nkõ a humnı suku sa, hõrv ke a Dıvre nı nyov panam ba keseme la a tomə ı ba fıri. ²¹Abraham anı nı v sıre, a tomə nı dõ ba hõre ke a fu anı makı a Dıvre yıbre nı la dı, kun dı zañtı dı bı lzakı dı del a dıvga nyu nı, da dı bağı dı a seyvə a Dıvre nı? ²²N nı ke dı Dıvre nı nyov panam kesemma la dı tomə, la dı tomə nahı hıbole dı nyov panam nahı. ²³Nıj nı kun a wãrgırtı bole Abraham nı hıbe: «Abraham pane a Dıvre nyov la gvko pane ba ye dı a fu anı makı a Dıvre yıba nı.» La ba yırtı dı a Dıvre folo. {Gen 15:6 Braham pane a Dañsa a Dıvre nyov, la koñ pane a Dañsa a Dıvre soñ dı ye dı a fu anı makı dıko a Dıvre yıba nı.} ²⁴Na nı ke a fu bağra anı makı a Dıvre yıba nı dı tomə nı, kay dı Dıvre nı nyov panam ten ten nı dõ la. ²⁵Le da gv bağe Rahabv a kēv anı tufv dı nyu nı dı dollv dı gulle mv nı: a Dıvre yelev dı dõ a fu anı makı dıko a Dıvre yıba nı dı tomə gulle, kun dı soñe İsrayel gında bunma ba tvñge namba yırtı dı dañ, la dı pa ba yom bõrv sãrgv ba yaba ? ²⁶A kulõ goka a pumde a sıbv la gv, le da la mv a Dıvre nı nyov panam hun ba keseme la a tomə, a nyov panam sıbv la.

A dılaña weyga

3¹Mv sabu ka fuma zaagv na yoro yarı da ba bağı a sebõlba, saba vko gırv kañsvra gv kısı sõrba. ²U dırv zõngırv a zõngırev dıgə wãanı wãanı. La fu ba zõngırvka dı weyv nı, a fu anı hıfv la anı dey dı nyı dı kulõ dırv la. ³Halt v trıka a sundı nyıyã nı a algıem da ı soñ hv nı, v deya v pa ı kulõ dırv bağı kun v boñ. ⁴Ye na kõyvde a hıv, mbaa la kun ı kebey heñ, la a sarfı bera dargı hı koñ dırv, ı kumatırvga boneñə la * ađa a dõrva kumatırv la hı, ı yav fun dı hayfv. ⁵Le da la a dılaña mv, a kañja boneñə la ga a kulõ nı, la ga nantı ga gulle kun ga dey ga pa a walt kesey bağı. Ye na kana a hãnuña dey ga hıstı a yaara gv dı a tu bete! ⁶Bine a dılaña mv a hanı kana la ga, gako nı a zaabı dıgre dırv wē. U kulõ kañja boneñə la ga, la ga zıgamsırv v fu tarey dırv. Ga nyırã v feyley zaka dırv la a lakara hanı hun wē ı nyırı. ⁷A fıbi dey dı pa a kaarema dıgə dırv soñ dı nı, tuure kaarema, a lembı, a kaarema tantıhı, la a hem yoro kaarema dırv, la dı patı ı dırv sontu dı nı. ⁸La a dılaña, fu kã ba dey dı pa ba bağı kun dı boñ a bada. A kañ zaabı kun fu ba dey dı nyı la, ga hıbe la a zaabı la a leem kırv hı. ⁹Gako v nantı la v sa a Dıvre, la gako mv v sırtı la a fomabu bunma a Dıvre bağe dı nyanñanõñ nı. ¹⁰Mv sabu, gv ba heme gv bağı le, nyırē dıv ten tıgrı a barke tam la a sıem. ¹¹Maması yıbre dıv ten dey gv bullu a hem dõndı, la a hem kanı wala ? ¹²Mv sabu a wõmbre dey gv hul a hırē,

^aA kañja boneñə nañka a dãyrē la ga, ga wē a hı hou a hem yoro.

wala a kumbeymə-yalv hullv a wōmba bu? Maması dum mv, ba dey gv bul a hem demey la a hem dōndi.

A hōmni hun sūti a Dufre ga weyga

¹³Anı na tillenti la hōfv a hōmni la a hōmni feyhi? Maana dı daŋsa hōŋsv hı dı walt bağrı hı ni, a tomə hun dı bağrı la a bün-bōrmi la a hōmni nahı ni. ¹⁴La, na hōfvka a bün-zamı kanı, la a barkēy hibı na bına, ka na nan na gulle, na wolo na tā a nyov. ¹⁵A hōmni koŋ kana ba sıta a Dufre ga, la gv sıta a duniyā koŋ ni, a fıbi tarēy la a Seytaani ga. ¹⁶Saba fun a bün-zamı la a barkēy wē dırv, a zunugəm la a tomə zaabı digre dırv wē la deŋ. ¹⁷La a hōmni kün sūti a Dufre ga a pote dırv gv hārēyā handa; kün defv gv bella la a bəəni, la a bün-bōrmi, gv sontu a makam zore zore, gv hibe la a wōmgam la a bu hārēy, gv go a fuma kōrətam, gv go nyiyā hı hı. ¹⁸Bunma yatı kana a bəəni tufu ba la a fuma tillenti, digrə a bəəni mbala kana ba digri a a digimogu, la ba bunta a bu hun le a makam a Dufre yıbre ni

A duniyā boŋey weyga

4¹Nde a woləmfi, la a takav sūti ı belli na la dombə tillenti? A boŋey zaabı hun wollu na bına yoro heŋ ni dō? ²Na bagra a bün-zamı la a walt pōtv la na ba dara hı; a fuma kuruba la a bün-zamı samba la na, la na ba dey na da kaŋ kā. Na wollə la na bağrı a takav la dombə, la na ba dara kün na hayfv, saba na ba zāana a Dufre. ³Na zāanı la na ba dara, saba na zāanam nahı ba hārēyā, saba na zāana da na bağrı na boŋey zaabı ten ten. ⁴Nakō, bınma wē a fuma yombə kana! Na bēy ke a duniyā boŋey a alle la gv a Dufre ni? Gukō gulle, fı boŋka dı bağı a duniya folo dı hagatura a Dufre alb. ⁵Na yelə a Wārgırt heŋ bındv ni la? Kün ı bole: «A Dufre boŋə Dı leŋkəm hun dı te hv ni heŋ halt dı ba boŋ dı teri la hıfv kā . » ⁶La a bağam hun a Dufre bağrı hv ni heŋ la kū a pōtvı , saba a Wārgırt heŋ bole a Dufre tārā a gulle pōtvıba, la dı bagra a yirgi n gulle samba ni . ⁷Gukō gulle, soŋ na a Dufre ni. Tā na a Seytaani, la dı hurə dı hēysi na. ⁸Woromsu na a Dufre la a Dufre woromsurə na la. Nakō a walt zaabı bağrıba sam na na wōna na tıgtı a zaabı ni, la na sırgı na bına, hōmni hı hı samba. ⁹Hōrv na a wōmgey samba la na , na bağı a bün-yeyla la na kom. Maana na mōmsı hagatı a komsı, la na bün-dōnmı hagatı a bün-yeyla. ¹⁰Yirigi na na gulle a Daŋsa yıga ni, la dı zanta na nyufı dōba.

¹¹Mv sabu ka na dı dombə nummv. Anı dırv dırtı sabı nummv , wala dı gıttı dı gırv, dırv a Dufre deyley ni dı weyrı a zaabı la dı gıttı ı gırv. Na gıre a Dufre deyley gırv dırv na ba yelev bınma soŋ kün a deyley nahı bole, la ı gırv kōtvıruba la na.

¹²Bine, a Dufre deyley heŋ ı patō la ı gıttı, dıkkō a Dufre dıdvm ten la, dıkkō anı dey dı hoptu, la dı dey dı kv. La nkō, anı la ni, da n gırt n tufu dondo gırv?

Ka na pōtvı na gulle

¹³Masaŋkō, dōmv na mv nakō bınma bolu: «Nyaŋ wala wote v yaga la a saga keŋ fılaanı ni, v yaga bağı a zende, v yerellə v dara a marı.» ¹⁴Na nyaa kün wote belli la? A se le na feyley? Nakō a fuma bınma nyaŋ a hem hōsv kün gv wē a wakatu boneŋə yoro gv wē a sumam ni. ¹⁵La na heme na bo: «Haltı a Daŋsa soŋe v feyrə, la v bağura koŋ wala koŋka.» ¹⁶La nuŋka na demōna na gulle, la a gulle pōtvılam weynı. A gulle pōtvılam le kana bine a zaabı la hu. ¹⁷Anı nyaa a hārēy kün dı heme dı bağı la dı ba bağe gv, dı bağe a walt zaabı .

A walıma sebam dōmde

5¹La masaŋ, nakō a kaŋ samba beŋ dōmv na ! Kom na, la na yileŋgi a zaabıv kün belli sol na nyu ni gulle. ²Na daamftı wōŋge, a kirikitiu vıdvıge na baŋkaaya. ³A wıre nyıyē na wıra, la na waktıya kırey, a wıre naŋgv la hōŋsvı na bağe kün ba

hārēy, gu dura na nummu mbala a hanu kana, saba na mente a kaŋ na kon a tēesi wakatu koŋ yoro. ⁴A buntuba binma bun na kebu la na ba yire ba ni ba yurumɔv namba yileŋge. La ba yileŋə nahu zue a Daŋsa a deyla sa dunna ni. ⁵Na feye kana dɔndɔv na ni, na da dɔnɔm a duniya koŋ ni, na nobal na gulle mbala a kaarema a funde kun ni ba kɔkrɔv hi. ⁶Na kɔte anu maki a Dɔfre yibre ni guru na ku di; di ba yare kana hoptru di gulle.

A bun-sum la a Dɔfre zāanam weyga

⁷Kɔ mu sabu, ku na na buna halu gu te a Daŋsa benam. Ye kana na a fetɔ kurv di bunde di daali di ferumɔv bu, di kura di bunde di daa hi halt fun a vunnuni porə, la a vunnuni tēesi durv bene. (di nyaa la ke kala a vunna porə la a tēesi durv be dɔm. ⁸Maana, na mu ku na buna, kaŋsal na na buna, saba a Daŋsa benam worom. ⁹Ka na semmu ke n dondo la wargri ni, kun pati ka a Dɔfre giri na guru. Ye na , a guru guɔ, di hifu a daŋ nyirē ni.

¹⁰Mu sabu, annabio binma wey a Daŋsa seere ni kue la ba buna a warga yoro. Guko gulle, na mu bagu ba kana. ¹¹Ye gu le, v bolə a bun-dɔnɔmi wē binma huki gəŋgəŋ a warga yoro nyuni. Na dɔmɔne kana Zɔbu huke gəŋgəŋ di warga yoro, la kun a Daŋsa bage di ni di warga bellenti, saba a Daŋsa hibe la a bun-bɔrmi la a wūmgam.

¹²La kun kī, mu sabu, ka na sebol la a dɔba wala a sēende, wala la kaŋ sɔrgu, na ūhū bagu ūhū, na ayey bagu ayey, la a Dɔfre ba gita na guru.

¹³Fu wē na tullenti, di wē a warga yoro? Maana di bagu a Dɔfre zāanam. Fu wē na tullenti di ba kaŋeyā? Maana di yiri a Dɔfre daŋ kāymɔv ba ti di nyuni a nua, ba bagu di ni a Dɔfre zāanam la a Daŋsa seere. ¹⁵A zāanam hun bagu la a Dɔfre ni nyɔv panam nahu pata a bāata nandi a yergam, la a Daŋsa hūsalla di la, la halt di bage a walu zaabu di dara a yaafa. ¹⁶Kɔ sebru na dombə ni na walu zaabu na bagri dombə ni a Dɔfre zāanam kun patu a yergam. A fu maki a Dɔfre yibre ni zāane di zāanam nahu hōfa a gaabu handa. ¹⁷Ye na, Eli a fubi dala di mbala v kana, la di bage a Dɔfre zāanam la di bunde durv da ka a vunna ne, la a vunna bage zenə tā la pilav hurv ga ba nē. ¹⁸La di gɔne di bagu a Dɔfre zāanam, a vunna nē a ferumɔv digə durv biri.

¹⁹Mu sabu, halu fu na yoro dɔge a nyɔv bɔru la didum na yoro bella di, ²⁰hɔrɔ na , anu tigi a walu zaabu baguro a zaabu bɔru ni, di bella di a bɔru hārēyɔv nyuni, di tige di pumde a sum ni, la di lige walu zaabu pɔtu.